

ՀԱՅԱՍՏԱՆԻ ՊԵՏԱԿԱՆ ԱԳՐԱՐԱՅԻՆ ՀԱՄԱԼՍԱՐԱՆԻ (ՀՊԱՀ) ՌԵԿՏՐԱՏԻ

Կ Ա Ն Ո Ն Ա Կ Ա Ր Գ

1. ԸՆԴՀԱՆՈՒՐ ԴՐՈՒՅԹՆԵՐ

Հայաստանի պետական ագրարային համալսարանի (այսուհետև համալսարան) ռեկտորատը ռեկտորին կից խորհրդակցական մարմին է, որը համալսարանի գիտական խորհրդի նիստերի միջև ընկած ժամանակահատվածում իրեն ընձեռված լիազորությունների սահմաններում քննարկում է համալսարանի գործունեությանը վերաբերվող հարցեր և կայացնում համապատասխան որոշումներ:

2. ՌԵԿՏՐԱՏԻ ԿԱՌՈՒՑՎԱԾԸ

Ռեկտորատի կազմում՝ համաձայն համալսարանի կանոնադրության, ընդգրկվում են համալսարանի ռեկտորը, պրոռեկտորները, ռեկտորի գլխավոր խորհրդականը, ռեկտորատի քարտուղարը, ուսումնամեթոդական կենտրոնի տնօրենը, գլխավոր հաշվապահը, ֆակուլտետների ղեկավարները, մասնաճյուղերի և այլ ստորաբաժանումների ղեկավարներ:

Ռեկտորատի նիստին անհրաժեշտության դեպքում հրավիրվում են քննարկվող հարցերին առնչվող ստորաբաժանումների ղեկավարներ, կոլեկտիվի անդամներ:

Ռեկտորատի նիստը վարում է ռեկտորը, նրա բացակայության ժամանակ՝ պրոռեկտորը:

Ռեկտորատի նիստերը հրավիրվում են ամիսը մեկ կամ երկու անգամ: Անհրաժեշտության դեպքում հրավիրվում են արտահերթ նիստեր:

Ռեկտորատի նիստերում քննարկվող հարցերը պլանավորվում է յուրաքանչյուր ուսումնական տարվա սկզբում: Հրատապ հարցերի քննարկումը կատարվում է արտահերթ նիստերում կամ լրացուցիչ կերպով մտցվում է հերթական նիստի օրակարգում:

Ռեկտորատի նիստերում քննարկվում են.

- Ռեսուրսային հարակցական աշխատանքների,
- Գիտահետազոտական աշխատանքների և գիտական ներդրումների,
- Ռեսուրսական և արտադրական պրակտիկաների,

- Ուսանողների ընթացիկ, կիսամյակային քննությունների կազմակերպման և անցկացման, առարկայական պարտքեր ունեցող ուսանողների վերաքննությունների անցկացման,

- Ուսանողների կուլտուր-կենցաղային, հանգստի կազմակերպման, հանրակացարանաբնակ ուսանողների հետ տարվող աշխատանքների,

- Վճարովի համակարգում սովորող ուսանողների ուսման վարձի վճարման, կարիքավոր ուսանողների ուսման վարձը զեղչելու,

- Ուսանողների շրջափոխման

- Ուսուցման գործընթացի կազմակերպման, տեսական և գործնական պարապմունքների անցկացման, կրթական բարեփոխումների, ուսումնական լաբորատորիաների հագեցվածությանը սարքավորումներով, տեխնիկական միջոցներով, ռեակտիվներով, ուսումնական պարագաներով, պարապմունքներին ուսանողների հաճախումների,

- Ուսանողների մասնակցությունը գիտական խմբակներին, ամբիոնների գիտահետազոտական աշխատանքներ,

- Պետական քննությունների և դիպլոմային նախագծերի (աշխատանքների) նախապատրաստման, անցկացման և արդյունքների ամփոփման,

- Մագիստրանտների և ասպիրանտների հետ տարվող ուսումնական, գիտահետազոտական աշխատանքների վիճակի,

- Դասագրքերի, ուսումնական ձեռնարկների, մեթոդական գրականության առկայության և գրադարանային սպասարկման խնդիրները, դասագրքերի, ուսումնամեթոդական գրականության գիտական հետազոտությունների արդյունքների հրատարակման,

- Ամբիոնների դասախոսների, գիտահետազոտական միավորումների գիտաշխատողների հաստիքավորումը , ուսումնական ծանրաբեռնվածության որոշումը,

- Ուսումնափորձնական տնտեսությունների գործունեությունը, համալսարանի մասնագիտական ամբիոնների և առանձին մասնագետների օգնությունը տնտեսություններին,

- Համալսարանի ֆինանսատնտեսական գործունեությունը,

- Համալսարանի տնտեսական գործունեությունը.

կապիտալ և ընթացիկ վերանորոգումների, շինարարության, գույքի ձեռքբերման, ավտոպարկի աշխատանքների,

- Համալսարանի կառուցվածքային ստորաբաժանումների և մասնագետների կողմից հանրապետության գյուղատնտեսական ձեռնարկություններին, ֆերմերային տնտեսություններին մասնագիտական օգնություն ցույց տալու,

- Արտերկրի ուսումնական, գիտական և այլ կազմակերպությունների հետ համագործակցության քննարկումներ,

- Միջազգային, տարածաշրջանային և ներքուհական գիտաժողովների, հոբելյանական միջոցառումների նախապատրաստման,

- Նոր մասնագիտությունների և մասնագիտացումների ձևավորման, նոր կառուցվածքային միավորումներ ստեղծելու քննարկումներ,

- Ֆակուլտետների, դեկանատների, ուսումնամեթոդական կենտրոնի, ամբիոնների, ուսանողական խորհրդի, ուսանողական գիտական ընկերության աշխատանքների արդյունքների քննարկում,

- Համալսարանի ստորաբաժանումներում գործավարության վարման,

- Համալսարանի գործունեությունը վերահսկող հանձնաժողովի աշխատանքային հարցերի քննարկում,

- Կրթության որակի բարելավման և այլ հիմնախնդիրներ,

- Բոլոնիայի գործընթացի ներդրման հիմնախնդիրները:

3. Ռեկտորատի նիստը համարվում է իրավագոր՝ նրա անդամների 2/3-ի մասնակցության դեպքում: Որոշումներն ընդունվում են ռեկտորատի անդամների ձայների պարզ մեծամասնությամբ և կենսագործվում ռեկտորի հրամաններով:

4. Ռեկտորատի արտահերթ նիստերը հրավիրվում են ռեկտորի նախաձեռնությամբ կամ ռեկտորատի անդամների 1/3-ի պահանջով:

5. Անհրաժեշտության դեպքում ռեկտորատի նիստում կազմակերպվում է համալսարանի գիտական խորհրդի հարցերի նախնական քննարկում:

Ռեկտորատի որոշումները կենսագործվում են ռեկտորի հրամաններով կամ անհրաժեշտության դեպքում ըստ կանոնակարգի տեղավորվում է հարցը գիտական խորհուրդ: